



15. februar 2019

UPA2019/57

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Tallimangornerup arfininngornerullu unnuaani kiisalu ullut freerfiusussat nallilerneranni ullaassakkut 05.00-p tungaanut imigassamik sassaaliisalnissaq anguniarlugu Imigassamut inatsimmi § 26-p allanngortinnissaanut siunnersuummik saqqummiusseqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Justus Hansen, Demokraatit)

Tunngavilersuut

UKA2018-mi Imigassamut inatsit arlalitsigut qasukkartinneqassamat Demokraatini ilalernerqarpugut. Tamanna nuannaarutigaarput allannguutit innuttaasunut ataasiakkaanut kiffaangissuseqartitsinerulissammata.

Manna siunnersuut aqqutigalugu imigassamut inatsimmi ajornartorsiut alla tikkuarusupparput tassalu imerniartarfinni piffissaq sapaatip akunnerata naanerani imigassamik sassaalliisarfik. Ullumikkut malitarisassat naapertorlugit tallimangornerup arfininngornerullu unnuaani ullaassakkut pingasut tungaanut sassaalliisoqarsinnaavoq. Tamatuma kingorna imerniartarfiit akunnermi ataatsimi ammasinnaapput imigassamilli pisisoqarsinnaanani.

Tassunga atatillugu ajornartorsiutit annerpaaq inuppasut piffissami tassani innariartornissartik eqqarsaatigineq ajormassuk. Taarsiullugu nangikkiarfissarsiortrput fiisti nangikkumallugu (tassani imigassaq nioqputigineqartartoq anngiortumik tuniniaasartunit pisiarineqartartpoq). Naliginnaaneruvoq nangikkiartunik politiit ulapitinneqarnerusarnerat. Tamanna politimesterimit uppenarsarnerqarpoq Sermitsiami maj 2018-mi saqqummersumi. Ilaatigut ima oqarami:

”Isumaqarpunga ajunngitsoq imerniartarfiit ullaassakkut tallimat tungaanut ammasalissappata. Nangikkiartarnerimmi taakkuupput ajornartorsiortitsisut. Imerniartarfiit sivisunerulaamik ammasalertuuppata nangikkiartortitsisoqarnissaa unnuaannakkut orlusaqattaarluni utaqqisariaarutissaaq.”¹

Politimesteri isumaqatigaara aamma isumaqarpunga imerniartarfiit sivisunerusumik ammasinnaasariaqartut. Taamaattumik siunnersuutigaara Imigassamut inatsimmi § 26-p

¹ <https://sermitsiaq.ag/node/205829>



allanngortinneqarnissaa siunertaralugu tallimannngornerup arfininngornerullu unnuaani kiisalu ullut freerfiusussat nallilerneranni ullaassakkut 05.00-p tungaanut imigassamik sassaaliisalernissaq, soorlu sisamannngornerup illernartup ullaassaani.

Neriuppunga Naalakkersuisut siunnersuutiga ilalerumaaraat taamatullu Inatsartuni partiit allat.

Aningaasarsiornikkut allaffissornikkullu pisortanut

Inatsisip allanngortinnera aningaasartuutitaqassaaq. Aningaasartuutilli ilinniagartuup ukiup affaani sulineranit akisunerunatik 250.000 koruunit missaani annertussuseqassasut taggippara. Aningaasartuutit iluanniipput tusarniaanernut nutserinernullu aningaasartuutit.

Aningaasarsiornikkut allaffissornikkullu namminersorlutik inuutissarsiortunut kingunissai.

Imerniartarfiit tallimannngornerup arfininngornerullu unnuaani kiisalu ullut freerfiusussat qaajartorerisa tungaanut sivilunerusumik ammasarnissaminnut periarfissaqalissapput, taamaasippat ulluni taakkunani aningaasarsiorluarnerusalissapput. Tunngaviusumik namminersorlutik inuutissarsiortunut siunnersuut imatut aningaasartuuteqarnerunermik kinguneqarnaviangilaq.

Aningaasatigut allaffissornikkullu innuttaasunut kingunissai.

Soqanngilaq